

Chieng' jamondo, Yamo jaloko.

a collection of thoughts by
Dora Achieng' Okeyo

Chieng' Jamondo, Yamo Jaloko.

© 2018 Dora Achieng' Okeyo

Sechemoko

Be isebet kendi mipenjori ni en ang'o ma Ruth ochano ne ngima ni?

Be isebet mipenjo ni en ango' momiyo idak kaka idak?

Sechemoko, be isebet kendi mi winjo gi ma pachi wacho?

An neko ne maka; nikech

sechemoko ajok,

Sechemoko amor,

Sechemoko.

Chako chon noloyo dhi ka ajuoga,

Omiyo chak sani, dipoka ichopo kumidhie maok ikwayo lift.

Nyargo'Ochieng'

Nyako mathuon

Apako nyako madichol, Akoth, koth wuon chiemo

Wuod min, osiep min,

osiep Nyiego, gore to dhi

Japuonj Kisungu ma komako buk to nyaka ndalo!

Apako Jaber, min Akinyi gi Achieng'

Min ji, Jaber seche duto, ma karach to rach

Apako Jaber nikech Ruoth nogwedha,

Ruoth omedi ndalo NyargOchieng'

Ruoth omedi ndalo

Ne, nyako, dhi sikul isom!

Mak buk!

Pand duk!

Ne, nyako, yau pachi, nikech miloso no en mari,

Obed maber kata marach, en mari.

Odhiambo

Aromo gi Odhiambo moro ei Nyorobi kae.

Odhiambo maler, wuod ma monge'yo rwakre,

Wuoch moromo wuothe, sati moromo kore, long malando bor mare.

Aromo gi Odhiambo moro ei Nyorobi kae.

Ija kanye, wuod Ma?

Seme.

Seme duong' iyae gweng' mane, kose dhot mane?

“You don't need to bother with that, ijaber.”

Ne, Odhiambo kisungu nobiro gi meli to kwarwa emaneriembo meli no! Omiyo wach mar 'bother' no to weri go, apenjo nikech Nyorobi ok en min ng'ato! Nyorobi opong' gi waru, gi kabich, gi coffee, gi babe, gi bae gi sianda moruak! Nyorobi chalo oyieyo, kudhi to nyami!

Wuod Ma, ber king'eyo dala, kata ka gi rach, kata ka gioli gi wach 'or pesa!'

Ber ka ing'eyo dala.

Aromo gi Odhiambo moro ei Nyorobi kae,

Owacho ni alelo, an Nyowila, alelo motamo wang'e

An aonge gi 'ambition,' akia hora mos! Akia tur, nikech dak ok yot.

Odhiambo, an 'come we stay' ok anyal nikech ang'eyo ni dak ok yot,

An Nyakwar JaPadri, nyar Japuonj, Nyowila, okabimako lweti kichimo bugo to aling',

Odhiambo, okabiloungi 'bae' kange'yo ni in e Sibuur mawuod Seme.

Okabiloungi 'sweetheart,' mondo iwach ni 'it's late, stay tonight, I'll drive you home.'

Home en gi ma en mari, mawaloso kanyakla, ichulo elufu piero ariyo ne Mutula to ipark matoka mar Mercedes ei dhode, to dala Meru kata Dau onge leso manyien, makata chumbi, Makata balance mare elufu achiel ei Mpesa! Wuod Ma, ai na...asayi, nikech Meru koyuak ne Nyasache mo winje, dipoka lit ne no, opiyo kuoma.

Aromo gi Odhiambo moro ei Nyorobi kae, ei! Kes baadaye!

Jirani

Jiranda, yande odhi Nyorobi.

Jaber oduogo ka wacho mana “hi” to buonjo

Awinjo ni nodak Lang’ata.

Jiranda oduogo ka ume ntie ei kor yamo.

Awuoro humb Nyorobi.

Telo

Adoko chogo, dak ange'yo wach telo,

Omiyo jothurwa, kik uchaa gima ukia.

Kik ichaa ng'a miluo bang'e,

Chien be ok chaa.

Adoko chogo, dak ang'ee wach telo,

Omiyo lit na ka nyathi di wach ni telo nyaka kau,

Lit na ka owetena ok nyal ywago loch ma ok ogogirisasi.

Lit na ka mine ywak, ka chuo nindo e bugo ei Kisumo kae.

Chien kik chaa, nikech sechemiparo ni in itelo,

Ruoth chano podho ni, to gima Ruoth ochano kata ajauoke ok nyal pingo.

Telo ok yot, Telo ok rach, Telo ok thoe, Telo en luong makende.

Ruath kadhie dhao ok onyis nga'to, mak mana Nyasache mawinje.

Adoko chogo, dak ang'ee wach telo

Azenath

Ayuago Azenath Bole Odaga

Thu Tinda!

Ayuago nga'ma nomiyo amako buk

Ayuago nyako maler, bor mare nie pache, gi wuothe,

nyako mok tal, makokethre to wichre nyaka chien!

Ei, tho! Ayuagi mama nikech nyar osiepa nyarluo to kia kata duoko mos!

Ayuagi min ji, nyako makomako kalam to humbe chopo loka.

Min Ajus!

Min Ajus nodhie chiro Oile.

Odhi timo ang'o kuno?

Akia owada, nokona ni odhi ngi'ewo omena mang'ich.

Nowuok saa adi?

Nowuok saa apar.

To sani en saa adi, Wuon Ajus?

Owada, jokama...dhako kochayi to chalo ka diep, okinyal pando lit no! Saa ni en saa adek otieno,
Ajus ochamo sikuma onindo.

Sikuma

Ei, Jothurwa, sikuma oolo dhoga.

Agombo wiu kata kado mar obambo.

Jokama,

Kuon monindo ok witi, isonyo.

Mama Stacey thing'a gi suya mar omena,

To an asiko mana ne sikuma, dipo kaa chiewo kiny to alokora apuoyo.

Kik ukon Min Atis niayuagora, dipoka anindo kech ei od mabat.

Wende Luo

Jothurwa, kuwinjie gi ma notimore ne NyarKisumo

Ta an'go? Jowa!

NyaKisumo yande odhi kadak, to kochopo chieng' Jumapil, Maro dimiye kibeti gi suka mondo gi
dhie lamo.

NyarKisumo kamaler, *Ruoth Opaki Dada!*'

Ei, ni Maro dikone ni giwer,

Mano kuma NyarKisumo nomanyo wer...akia ni namba adiwa cha! NyarKisumo noduogo yudo
ni buk mane Maro omiye, ne ok ken tata Wende Luo

Jandiko

Dora en Nyowila. Mae en buk mokwongo ma ondiko gi Dholuo.

Tudre kode ei: www.nilichoandika.co.ke